



Broj: 01-1111-1/23
Sarajevo, 8. 7. 2023. godine

Na osnovu člana 69. i člana 121. Zakona o visokom obrazovanju („Službene novine Kantona Sarajevo“, broj: 36/22) i člana 104. stav 2. tačka k) Statuta Univerziteta u Sarajevu, broj: 01-1093-3-1/18 od 28.11.2018. godine, Nastavno-naučno vijeće je, na XLVII. (elektronskoj) sjednici održanoj dana 8. 7. 2023. godine u periodu od 08:00 do 20:00 sati, donijelo *sljedeću*

O D L U K E

o izboru člana akademskog osoblja na naučnoj oblasti Međunarodno privatno pravo

I

Utvrđuje se prijedlog Odluke o izboru u zvanje **asistentice Sevlte Halilović** na naučnoj oblasti **Međunarodno privatno pravo**.

II

Prijedlog Odluke dostavit će se Senatu Univerziteta na odlučivanje.

O b r a z l o ž e n j e

Nastavno-naučno vijeće Univerziteta u Sarajevu - Pravnog fakulteta, nakon pribavljene saglasnosti Senata Univerziteta u Sarajevu broj: 01/19-26/19 od 26.6.2022. godine, u skladu sa članom 121. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 – u daljem tekstu: ZVO) donijelo je Odluku o raspisivanju konkursa za izbor jednog saradnika/ice u zvanje asistenta/ice na naučnoj oblasti Međunarodno privatno pravo. Konkurs je objavljen u dnevnom listu “Dnevni avaz” i internet stranici Fakulteta i Univerziteta u Sarajevu dana 3.3.2023. godine.

Nastavno-naučno vijeće je, na XLII. sjednici održanoj dana 5.4.2023. godine imenovalo Komisiju u sastavu:

1. Dr. sc. Meliha Povlakić, redovna profesorica Univerziteta u Sarajevu - Pravnog fakulteta na naučnoj oblasti Građansko pravo i građansko procesno pravo, predsjednica i članica;
2. Dr. sc. Davor Babić, redovni profesor Pravnog fakulteta Sveučilišta u Zagrebu na Katedri za međunarodno privatno pravom, izabran za naučnu oblast/predmet Međunarodno privatno pravo, član;
3. Dr. sc. Anita Duraković, vanredna profesorica Pravnog fakulteta Univerziteta „Džemal Bijedić“ u Mostaru na naučnoj oblasti Međunarodno privatno pravo, članica;

Na raspisani konkurs, blagovremeno, sa potpunom prijavom i dokazima o ispunjavanju uslova utvrđenih u ZVO i Statutu Univerziteta u Sarajevu, prijavilo se šest (6) kandidata/kandidatkinja: Dženana Brčaninović, Nenad Cice, Adnan Muratović, Arman Mujičić, Sevlta Halilović, Jasmin Omerdić.


Nakon što su razmotrene prijave i priložena dokumentacija, Komisija za pripremanje prijedloga za izbor je, u skladu sa članom 124. ZVO pripremila Izvještaj sa prijedlogom da se Sevlta Halilović izabere u zvanje asistentice na naučnoj oblasti međunarodno privatno pravo.



Nastavno-naučno vijeće Fakulteta je, na XLVII. (elektronskoj) sjednici održanoj 8.7.2023. godine, usvojilo Izvještaj Komisije sa prijedlogom da se u zvanje d zvanje asistentice na naučnoj oblasti međunarodno privatno pravo izabere asistentica Sevleta Halilović, zasnivajući svoj prijedlog na odredbama člana 112. stav 2. tačka a) i člana 205. Statuta Univerziteta Sarajevu.

DEKANICA


Prof. dr. Zinka Grbo




Akt obradila i kontrolisala: Dr. sc. Vesna Lazić, sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- Senat Univerziteta u Sarajevu
- arhiva

Sekretar Univerziteta u Sarajevu-Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu-Pravnog fakulteta nadležno za donošenje odluke shodno članu 69. Zakona o visokom obrazovanju („Službene novine Kantona Sarajevo“, broj 36/22).



KOMISIJA ZA PRIPREMANJE PRIJEDLOGA ZA IZBOR JEDNOG SARADNIKA/ICE U ZVANJE ASISTENTA/ASISTENTICE NA NAUČNOJ OBLASTI MEĐUNARODNO PRIVATNO PRAVO

Sarajevo, 23.06.2023.godine

**NASTAVNO-NAUČNOM VIJEĆU
UNIVERZITET U SARAJEVU - PRAVNI FAKULTET**

Predmet: Izvještaj Komisije za pripremanje prijedloga za izbor jednog saradnika/ice u zvanje asistenta/asistentice na naučnoj oblasti Međunarodno privatno pravo

Podaci o objavljenom konkursu i formiranju komisije

a) Univerzitet u Sarajevu – Pravni fakultet je na osnovu usvojenog dinamičkog plana potreba za raspisivanjem konkursa za izbor u zvanja u akademskoj 2022/2023. godini, raspisao konkurs za izbor jednog saradnika/ice u zvanje asistenta/ice na predmetima naučne oblasti Međunarodno privatno pravo.

Konkurs je objavljen 03.03.2023. u dnevnom listu „Dnevni avaz“ i na web-stranicama Univerziteta u Sarajevu (dalje: UNSA) i Univerziteta u Sarajevu - Pravni fakultet (dalje: Fakultet). U roku za podnošenje prijava na konkurs (15 dana od dana objavljivanja) prijavilo šest kandidata/kandidatkinja.

b) Na osnovu člana 123. Zakona o visokom obrazovanju Kantona Sarajevo (Službene novine Kantona Sarajevo, br. 36/22 - dalje: ZVO) Nastavno-naučno vijeće Pravnog fakulteta Univerziteta u Sarajevu je na XLII sjednici održanoj 05.04.2023. godine donijelo Odluku o imenovanju Komisije za pripremanje prijedloga za izbor jednog saradnika/ice u zvanje asistenta/ice na naučnoj oblasti Međunarodno privatno pravo br. 01-573-1/23 od 05.04.2023. (dalje: Komisija) u sastavu:

1. Prof. dr. Povlakić Meliha, redovna profesorica Univerziteta u Sarajevu – Pravni fakultet, izabrana na naučnoj oblasti Građansko pravo i građansko procesno pravo, članica i predsjednica Komisije

2. Prof. dr. Davor Babić, redovni profesor Pravnog fakulteta Sveučilišta u Zagrebu na Katedri za Međunarodno privatno pravo, izabran za naučnu oblast/predmet Međunarodno privatno pravo, član Komisije

3. Prof. dr. Anita Duraković, vanredna profesorica Pravnog fakulteta Univerziteta „Džemal Bijedić“ u Mostaru, izabrana na naučnoj oblasti Međunarodno privatno pravo, članica Komisije.

Komisija je navedenu odluku zaprimila 14.04.2023. godine. Uz Odluku o imenovanju Komisija je zaprimila i Obavijest Sekretara Fakulteta br. 01-581-1/23 od 05.04.2023. godine kojom je potvrđeno u skladu sa odredbama člana člana 204. Statuta Univerziteta u Sarajevu br. 01-1093-3-1/18 od 28.11.2018. godine (u daljem tekstu: Statut) da se na konkurs prijavilo šest kandidata/kandidatkinja i da su sve prijave blagovremene. Prijavljeni kandidati/kandidatkinje su:

- Dženana Brčaninović
- Nenad Cice
- Adnan Muratović
- Arman Mujičić
- Sevleta Halilović
- Jasmin Omerdić

Na osnovu Odluke o imenovanju Komisije zadatak Komisije je da podnese pisani Izvještaj sa prijedlogom Nastavno-naučnom vijeću Pravnog fakulteta Univerziteta u Sarajevu u skladu sa tekstom raspisanog konkursa.

Nakon što je razmotrila prijave i priloženu dokumentaciju prijavljenih Kandidata, Komisija u skladu sa odredbama članova 124. ZVO i člana 205. Statuta podnosi slijedeći

2

I Z V J E Š T A J

Komisija je razmatrala prijave redoslijedom navedenim u Obavijesti Sekretara Fakulteta.

D) KANDIDATKINJA DŽENANA BRČANINOVIĆ

Kandidatkinje Dženana Brčaninović se prijavila na Konkurs 07.03.2023. Uz prijavu na konkurs podnijela je slijedeću dokumentaciju:

- Izvod iz matične knjige rođenih (original)
- Uvjerenje o državljanstvu (original)
- CV

- Diploma Univerziteta u Sarajevu – Pravni fakultet o stečenoj akademskoj tituli i stručnom zvanju Bakalauerat/Bachelor prava od 18.12.2021., kao i dodatak diplomi (ovjerena kopija)
- Diploma o stečenoj akademskoj tituli i stručnom zvanju magistar prava te dodatak diplomi za II ciklus studija (ovjerena kopija)
- Zlatna značka Univerziteta u Sarajevu – najboljem studentu prvog ciklusa studija Pravnog fakulteta Univerziteta u Sarajevu (ovjerena kopija)
- Zlatna značka Univerziteta u Sarajevu – najboljem studentu prvog i drugog ciklusa studija Pravnog fakulteta Univerziteta u Sarajevu (ovjerena kopija)
- Diploma učenik generacije (ovjerena fotokopija)
- Priznanje Općine Novo Sarajevo dobitnici Zlatne značke Univerziteta u Sarajevu
- Odluka o imenovanju studenta-demonstratora na predmetima Građansko procesno pravo I i Građansko procesno pravo II u akademskoj 2021/22. godini (ovjerena kopija)
- Pismo preporuke direktora pravnih poslova HOLDINA d.o.o. i Energopetrol d.d. Sarajevo
- Potvrda o stručnom osposobljavanju bez zasnivanja radnog odnosa u Općini Centar Sarajevo (ovjerena kopija)
- Uvjerenje kojim se potvrđuje da je otac Kandidatkinje bio pripadnik Armije BiH tokom odbrambeno-oslobodilačkog rata.

Kandidatkinja Brčaninović je rođena 03.09.1997. u Fojnici gdje je završila osnovno i srednje školovanje. U srednjoj školi je izabrana za učenika generacije. Državljanica je Bosne i Hercegovine.

2

Prvi ciklus studija je završila na Pravnom fakultetu Univerziteta u Sarajevu sa prosječnom ocjenom 9,90. Na predmetima Katedre građanskog prava ostvarila je prosjek ocjena 9,87, a na predmetima naučne oblasti Međunarodno privatno pravo ostvarila je prosjek 10.00. Na trećoj godini je izabrala izborni predmet Evropsko privatno pravo. Za uspjeh postignut na prvom ciklusu studija nagrađena je Zlatnom značkom Univerziteta u Sarajevu, kao najbolji student Pravnog fakulteta u Sarajevu.

Na Fakultetu je upisala i uspješno okončala II ciklus studija na Katedri građanskog prava, smjer: Građansko pravo i ostvarila prosječnu ocjenu 10.00. 20.07.2022. je uspješno odbranila završni rad pod naslovom: „Obavještenje dužnika o cesiji“. Za uspjeh postignut na prvom i drugom ciklusu studija nagrađena je Zlatnom značkom Univerziteta u Sarajevu kao najbolji student Pravnog fakulteta u Sarajevu.

U akademskoj 2021/22 bila je demonstrator na predmetima Građansko procesno pravo I i Građansko procesno pravo II.

Po završetku studija volontirala je mjesec dana u Općini Centar, a trenutno obavlja pripravnički staž u Advokatskom društvu Spaho d.o.o. odnosno kao konzultant u privrednim društvima Holdina d.o.o. i Energopetrol d.d. Sarajevo. Iz preporuke direktora pravnih poslova je vidljivo da je obavljale poslove koje bi bili u neposrednoj vezi sa poslovima asistenta na

Međunarodnom privatnom pravu i da je te poslove obavljala kvalitetno te ima preporuku trenutnog poslodavca.

II) KANDIDAT NENAD CICE

Kandidat Nenad Cice se na Konkurs prijavio 09.03.2023. Uz prijavu na Konkurs je dostavio:

- CV
- Diplomu o završenom studiju na Pravnom fakultetu u Sarajevu od 18.10.2008. (ovjerena kopija)
- Uvjerenje o uspjehu na studiju (original)
- Diploma II ciklusa– Europski regionalni Magisterij iz demokracije i ljudskih prava u Jugoistočnoj Europi od 02.11.2009. izdata od Univerziteta u Sarajevu i Univerziteta u Bolonji
- Dodatak diplomi II ciklusa – original sa prevodom ovlaštenog sudskog tumača
- Uvjerenje o državljanstvu (original)
- Izvod iz matične knjige rođenih (original)
- Uvjerenje o prebivalištu (original)
- Uvjerenje o položenom pravosudnom ispitu od 16.11.2010. (ovjerena kopija)
- Uvjerenja o položenom advokatskom ispitu od 26.01.2011. (ovjerena kopija)
- Uvjerenja o položenom stručnom upravnom ispitu za visoku školsku spremu od 07.02.2011.
- Potvrdu o zaposlenju u advokatskoj kancelariji Zlatko Tirić u periodu od 01.02.2010. do 01.09.2011.
- Potvrda o zaposlenju sa preporukom poslodavca od 07.03.2023.
- Potvrda o upisu na Uni Wien Iuridicum – kopija sa prevodom ovlaštenog sudskog tumača
- Index kandidata sa ovjerenim kopijama stranica – ispiti i ocjene sa III ciklusa studija Pravnog fakulteta Univerziteta u Sarajevu (građansko-pravna katedra)
- Certifikat udruženja medijatora BiH za završenu obuku za medijatora od aprila i juna 2011. g. – ovjerene kopije
- Uvjerenja o poznavanju stranih jezika inostranih tijela za certifikaciju (TOEFL za engleski jezik, DALF za francuski jezik, certifikat za italijanski, njemački, španski i grčki jezik).

2

Kandidat Cice je rođen 03.10.1983. u Trebinju. Državljanin je Bosne i Hercegovine.

Osnovno i srednje obrazovanje završio je u Sarajevu sa odličnim uspjehom (Ponos generacije). Pravni Fakultet u Sarajevu je završio po predbolonksjom studijskom programu sa prosječnom ocjenom 8,96. Prosjek ocjena iz predmeta Katedre je bio 9,00 a iz pedmeta međunarodnog privatnog i privrednog prava takođe 9,00.

Kandidat je II ciklus studija upisao u Centru za postdiplomske studije Univerziteta u Sarajevu Ukupna ocjena u toku studija je bila 8/10 a završni rad pod naslovom „Rights of Foreigners

and their Harmonization as the Better Way to Approach Judicial Protection: Case Study o Slovenian Treatment related to Citizenship of the Citizens of ex SFRY“ je ocijenjen ocjenom 9/10.

Nakon okončanja studija bio je zaposlen u advokatskom uredu, a od 2013. godine do danas u BH Telecom d.d.. Trenutno radi na mjestu konsultanta za imovinsko pravne poslove i zastupanje. U potvrdi o zaposlenju se navodi da Kandidat stručno obavlja poslove iz široke oblasti građanskog prava.

2013. godine je upisao doktorski studij iz pravnih znanosti na Univerzitetu u Beču o čemu podnosi dokaz. O daljem toku ovog studija nema dokaza a sam Kandidat navodi da je studij napustio iz privatnih razloga u fazi prijave doktorske disertacije iz oblasti međunarodnog privatnog prava. O tome, kao ni o eventualno položenim ispitima ne podnosi dokaze.

2018/19 je upisao III ciklus studija na Pravnom fakultetu u Sarajevu a u drugom semestru se opredijelio za građansko-pravni smjer. Kandidat je položio ispit iz Poslovnog prava ocjenom 9, a u okviru ovog ispita je i modul Međunarodno privatno pravo ocijenjen ocjenom 10. Osim ovog ispita, položio je u drugom semestru još tri ispita ocjenom 10 i odbranio dva seminarska rada. Kandidat navodi da je voljan raditi na tezi iz naučne oblasti za koju se prijavljuje. Kandidat nije naveo, ali Predsjednica Komisije ima službeno saznanje da je 05.11.2020. usvojen izvještaj Komisij za ocjenu projekta, radne verzije i doktorske disertacije Kandidata Cicea pod naslovom „Kontumacija u parničnom postupku“ koja se veže za oblast građanskog i građanskog procesnog prava.

Kandidat je dostavio dokaze o poznavanju engleskog (C1), francuskog (C1), njemačkog (B2), španskog (B2), italijanskog (C2) i grčkog jezika (C1) izdate od relevantnih stranih institucija. Kao student je bio pobjednik na takmičenju iz latinskog jezika, što svjedoči o tome da poznaje i latinski jezik. Budući da je poznavanje stranih jezika uvjet za kvalitetan naučno-istraživački rad, Komisija konstatira da ovaj uvjet Kandidat Cice ispunjava na rijetko viđen način.

U svojoj biografiji Kandidat navodi da je autor dva rada (oba objavljena u izdanjima postdiplomskog studija – EMRA), ali ih ne dostavlja: Political culture as an essential part of democratic consolidation in the Republic of Serbia and Czech Republic (2008) i Political theory the concept of fundamental freedom and the concept of positive and negative rights: case of the right to privacy and private property (2006).

III) KANDIDAT ADNAN MURATOVIĆ

Kandidat Adnan Muratović se na Konkurs prijavio dana 14.03.2023. i uz prijavu priložio slijedeću dokumentaciju:

- Biografija, CV (europass)
- Diploma o stečenoj akademskoj tituli i stručnom zvanju Bakalauerat/Bachelor prava, izdata u Sarajevu 19.12.2020. godine kao i Dodatak diplomi I ciklusa studija (ovjerena kopija)

- Diploma o završenom drugom ciklusu studija i sticanju akademske titule i stručnog zvanja Magistar prava od 13.12.2022. kao i Dodatak diplomu II ciklusa studija (ovjerena kopija)
- Spisak objavljenih radova kao jedan i objavljeni rad
- Uvjerenje o poznavanju engleskog jezika (C2 nivo)

U svojoj prijavi Kandidat navodi da je rođen 04.11.1997. godine u Sarajevu. Državljanin je Bosne i Hercegovine.

Srednjoškolsko obrazovanje je završio u Brezi. Pravni fakultet Univerziteta u Sarajevu upisao je 2016. godine a završio 2020. godine, nakon čega je na istom Fakultetu upisao drugi ciklus studija u akademskoj 2020/21 godini na Katedri za državno i međunarodno javno pravo – Teorijsko-pravni smjer. Završni rad na temu „Ustavne asimetrije u složenim državama“ odbranio je u decembru 2021. godine. Prema studijskom programu po kojem je kandidat studirao, završni radovi se ne ocjenjuju. Kandidat je u toku I ciklusa studija ostvario prosječnu ocjenu 7,84. II ciklus studija je završio sa prosječnom ocjenom 9,80, tako da je ukupna prosječna ocjena za prvi i drugi ciklus studija 8,82. Prosjek ocjena iz predmeta Katedre je 7,14, a iz predmeta naučne oblasti Međunarodno privatno pravo: 7,5. Od tri izborna predmeta u toku studija nijedan nije bio vezan za predmete Katedre građanskog prava.

Kandidat je trenutno zaposlen u notarskom uredu kao notarski pripravnik.

U svom CV, Kandidat navodi niz aktivnosti, za koje ne dostavlja dokaz. Predsjednica Komisije je neposredno svjedočila nekim od tih aktivnosti. Tako je Kandidat bio veoma aktivan u Udruženju studenata Pravnog fakulteta Univerziteta u Sarajevu gdje je bio član Upravnog odbora, a obavljao je funkciju i Studenta prodekana (01.12.2020 – 30.09.2021.). U ovim svojstvima je bio jedan od organizatora Prvog kongresa studenata prava u Sarajevu 2021. godine. Bio je prvi predsjednik Unije studenata Federacije BiH (u osnivanju)

2

Učestvovao je u mnogim domaćim i međunarodnim ljetnim školama, kongresima, konferencijama i akademijama i kako navodi, ovi su skupovi bili iz područja pravnih i političkih nauka, naučnih oblasti odbrane i sigurnosti, kao što su:

- Model European Union, Hag, Holandija, 2022 (u okviru Erasmus+ programa)
- Međunarodni simpozij „Balkan 2030 – Challenges to peace, stability and prosperity“ – Sesija o sigurnosti, održan u Skadru (Albanija) 19.10.2021. gdje je bio i panelist. Organizator je bio Centar za napredne studije Sarajevo i Sami Frasheri institut Tirana;
- Ljetna škola bh. diplomatije (prvi ciklus), održana u Sarajevu od 12.08. do 18.08.2021. u Sarajevu u organizaciji JU „Muzeja Alija Izetbegović“;
- Regionalna ljetna škola – Zaštita životne sredine i ljudskih prava u organizaciji Vijeća Evrope – Ured u Sarajevu (05. do 07.07.2021., kao dio projekta Vijeća Evrope „Legal Certainty and Efficient Judiciary in Bosnia and Herzegovina – Phase II“;
- (23.10.2021 – 01.01.2020): „Doprinos akademske zajednice zaštiti ljudskih prava u BiH“, gdje je član ekspertne grupe u sklopu Studije o institucionalnom kršenju ljudskih prava u Bosni i Hercegovini. Ovaj CAHR projekt podržava Evropska unija, a

koordiniraju ga Univerzitet za poslovni inženjering i menadžment i Asocijacija za demokratske inicijative (Sarajevo).

Član je Instituta za geopolitiku, ekonomiju i sigurnost (IGES), Sarajevo.

U sklopu obilježavanja 75 godina Pravnog fakulteta u Sarajevu bio je jedan od kreatora i rukovoditelj projekta „Takmičenje za najbolji studentski esej o međunarodnom krivičnom sudu za bivšu Jugoslaviju.

Za vrijeme studija Kandidat je imao čitav niz vannastavnih aktivnosti koje ukazuju na njegovu intelektualnu radoznalost i širok spektar interesovanja.

Kandidat je objavio jedan rad pod nazivom „Kako u okolnostima multipolarne Evrope treba izgledati strategija vanjske politike BiH“ koji je objavljen u Hadžikadunić/Nanić (edits.), 2021, Zbornik radova polaznika prvog ciklusa ljetne škole diplomatije, izdavač JU Muzej „Alija Izetbegović“. Njegov rad je objavljen na str. 65 – 95. Kandidat je dostavio ovaj rad, iako to nije bila obaveza, budući da objavljeni radovi nisu uvjet za izbor u zvanje asistenta/ice. Međutim, nesporno je da objavljivanje radova i prije izbora u akademsko zvanje govori o sklonosti kandidata ka naučno-istraživačkom radu.

U Godišnjaku Pravnog fakulteta LXIV – 2021 (posebni broj) je objavio „Vremepolov Pravnog fakulteta Univerziteta u Sarajevu“ (kategorizirano kao prikaz), str. 351 – 387. Rad nije dostavljen, ali je navedeni broj Godišnjaka dostupan na web stranici Fakulteta.

2

Kandidat je u toku studija pokazao izuzetan društveni angažman te sklonost kao naučno-istraživačkom radu (o čemu svjedoče dostavljeni radovi) i kako i sam navodi u svojoj biografiji posebno ga interesira područje teorije prava i države, suvereniteta, asimetričnog federalizma, međunarodno javno i međunarodno privatno pravo, međunarodni odnosi, diplomatija.

Kandidat navodi da govori engleski (C2) i njemački jezik (za ovo posljednje nije podnio dokaz).

IV) KANDIDAT ARMAN MUJUČIĆ

Kandidat Arman Mujučić se prijavio na Konkurs 17.03.2023. godine. Uz prijavu je Kandidat Arman Mujučić priložio slijedeće:

- Biografija - CV
- Diploma Univerziteta u Sarajevu – Pravni fakultet o stečenoj akademskoj tituli i stručnom zvanju Bakalauerat/Bachelor prava od 18.12.2021., kao i dodatak diplomi (ovjerena kopija)
- Zlatna značka Univerziteta u Sarajevu dodijeljena jednom od najboljih studenata Pravnog fakulteta (ovjerena kopija)

- Uvjerenje o završenom II ciklusu studija Univerziteta u Sarajevu – Pravni fakultet (ovjerena kopija)
- Uvjerenje o položenim ispitima sa II ciklusa studija od 26.12.2022. (ovjerena kopija)
- Izvod iz matične knjige rođenih (ovjerena kopija)
- Uvjerenje o državljanstvu (ovjerena kopija)
- Uvjerenje Ministarstva pravde BiH o položenom stručnom upravnom ispitu za visoku školsku spremu (ovjerena kopija)
- Uvjerenje advokatske kancelarija Ibrišimović (3x) za godine 2018., 2019., 2020.)
- Potvrda Suda Bosne i Hercegovine o obavljenom pripravničkom stažu od 20.09.2021. do 19.09.2022. godine
- Priznanje Općine Centar dobitniku Zlatne značke
- Diploma Pravnog fakulteta Univerziteta u Sarajevu i Evropskog udruženja studenata prava Sarajevo o učešću na Klinici iz međunarodnog i evropskog prava ljudskih prava u trajanju od petnaest sedmice (ovjerena kopija).

Kandidat Mujičić je rođen 27.08.1998. godine u Sarajevu. U Sarajevu je završio Drugu gimnaziju, nakon čega je upisao Pravni fakultet Univerziteta u Sarajevu. Državljanin je Bosne i Hercegovine.

Kandidat je apsolvirao I ciklus studija u akademskoj godini 2021. sa prosječnom ocjenom 9,53, prosjek predmeta Katedre građanskog prava je 9,58, predmet Međunarodno privatno pravo I i Međunarodno privatno pravo II je položio ocjenom 10. Na prvom ciklusu studija kao izborne predmete nije birao predmete Katedre građanskog prava,

2

Kandidat je apsolvirao II ciklus studija na odsjeku za Krivično pravo i na studijskom programu Maloljetničko prestupništvo gdje je ostvario prosjek ocjena 9,80. Odbranio je završni rad pod naslovom „Razvoj i specifičnosti sudstva za maloljetnike u Bosni i Hercegovini i Hrvatskoj“.

U toku studija je obavio studentsku praksu i volontirao u toku tri godine po jedan mjesec u Advokatskoj kancelariji Ibrišimović.

U vremenu od 01.05.2019. do 01.07.2021. godine bio je član Upravnog odbora Evropskog udruženja studenata prava Sarajevo (dalje: ELSA Sarajevo), te je obavljao funkciju Chief Financial Officer _ Treasurer. Kao aktivan član ELSA Sarajevo učestvovao je 2021. godine u organizaciji serije webinar (suorganizator Konrad Adenauer Stiftung), u prganizaciji Klinike iz međunarodnog i evropskog prava ljudskih prava (2020.), u organizaciji webinar o utjecaju pandemije COVID-19 na različite oblasti prava (2020), Simuliranog parlamenta (2019.. Legal English, ekstrakurikularni program (2019). koji je podržad od Ambasade SAD u BiH, a 2018. je i sam uspješno apsolvirao Kliniku iz međunarodnog i evropskog prava ljudskih prava (2018) koju su organizirali Pravni fakultet Univerziteta u Sarajevu i Evropsko udruženje studenata prava Sarajevo.

Bio je stipendista Fondacije Konrad Adenauer,

U pogledu jezičkih vještina navodi da govori engleski jezik (full professional proficiency) i njemački (limited professional proficiency). Ali ne dostavlja dokaze. Iz aktivnosti kojima se bavio Komisija nema sumnju da Kandidat Mujičić odlično vlada engleskim jezikom.

Kandidat Mujičić je u periodu od 20.09.2021. do 19.09.2022. bio sudski pripravnik na Sudu BiH (Pravno odjeljenje Ureda registrara), a od 20.11.2022. je stručni saradnik u Pravnom odjeljenju Ureda registrara.

V) KANDIDATKINJA SEVLETA HALILOVIĆ

Kandidatkinja Sevlata Halilović se prijavila na Konkurs 20.03.2023. Uz prijavu na Konkurs Kandidat je podnio slijedeću dokumentaciju:

- CV (na bosanskom i engleskom jeziku)
- Diploma o stečenju akademskoj tituli i stručnom zvanju Bakalauerat/Bachelor prava, izdata u Sarajevu 13.12.2022.. godine i dodatak diplomi (ovjerena kopija)
- Priznanje – Zlatna značka Univerziteta u Sarajevu kao jednom od najboljih studenata Pravnog fakulteta (ovjerena kopija)
- Odluka o imenovanju za demonstratora na predmetima Obligaciono pravo I i Obligaciono pravo II
- Rodni list (original)
- Uvjerenje o državljanstvu (original)
- Certificat of Completion of Media Law School: Freedom of Expression on Social Network: Influential Users and Prohibited Spech (21. – 26. septembar 2022.), izdata od OSCE i Univerzitet u Sarajevu – Pravni fakultet
- Certifikat o učešću na projektu „Simulirani parlament“ na temu „Zakon o životnim zajednicama osoba istog spola u BiH“ od 15. do 19. maja u Sarajevu, izdat od ELSA Sarajevo i Konrad Adenauer Stiftung
- Certifikat o učešću na 16th Regional Moot Court Competition in Human Rights i absolviranju desetosedmičnog obrazovnog seminara o Konvenciji o zaštiti ljudskih prava i praksi Evropskog suda za ljudska prava (izdat od Civil Rights Defenders)

Kandidatkinja je rođena 17.01.1999. u Vogošći. Državljanica je Bosne i Hercegovine.

Kandidatkinja je absolvirala Pravni fakultet Univerziteta u Sarajevu 2021/22. godine sa prosječnom ocjenom 9,73 za što je nagrađena Zlatnom značkom Univerziteta u Sarajevu. Prosjek ocjena iz predmeta Katedre je 9,87. U četvrtoj godini se Kandidatkinja opredijelila za opcioni predmet na Katedri građanskog prava. Prosjek ocjena na oblasti Međunarodno privatno pravo je 10.00. U akademskoj godini 2022/23 Kandidatkinja je upisala II ciklus studija na Pravnom fakulteta Univerziteta u Sarajevu, na Katedri građanskog prava – Smjer Arbitražno pravo i alternativno rješavanje sporova. Prema arhivi Fakulteta položila je do sada 4 ispita (od pet predviđenih ispita, pri čemu je termin za polaganja nedostajućeg ispita tek započeo). Sva četiri ispita je položila ocjenom 10.00.

U toku studija bila je demonstratorica na predmetima Obligaciono pravo I i Obligaciono pravo II. Bila je angažirana u ELSA Sarajevo (2019 – 2021), te junior istraživač Atlantske inicijative (2018 – 2021). Učestvovala je u nizu projekata: Media Law School: Freedom of Expression on Social Network: Influential Users and Prohibited Speech (3 ECTS), 16th Regional Moot Court Competition in Human Rights, za šta je dostavila dokaze. Osim toga navodi da je učestvovala je u treningu Basic Rules of Cyber Hygiene (2021) održanom od strane CRDFGLOBAL, u projektu Research on the negative effects of reciprocal radicalization in Bosnia and Herzegovina (2020), koji je bio podržan od Atlantske inicijativa i Ambasade Norveške u BiH, u projektu Calling for Media and Information Literate Youth in South East Europe (2020), podržan od strane UNESCO, u treningu Making sense of violent extremism (2019), podržan od RESOLVE network i KCSS, u projektu Development of research skills for work in the field of radicalization and violent extremism (2019) podržan od Atlantske inicijative, u projektu Simulirani parlament (2018) na temu „Zakon o životnim zajednicama osoba istog spola u BiH“, podržan od ELSA Sarajevo i Konrad Adenauer Stiftung. Kao edukator je učestvovala u projektu Prevencija seksualnog uznemiravanja (2018) – podržanom od Atlantske inicijative. Navedeni izuzetni angažman u toku studija svjedoči o širokom polju interesovanja Kandidatkinje za savremene teme i njenoj intelektualnoj radoznalosti, ali njenom socijalnom angažmanu.

Zaposlena je kao advokatski pripravnik u advokatskoj kancelariji BH Legal.

Kandidatkinja navodi da vlada engleskim i njemačkim jezikom o čemu ne podnosi dokaze. Kada je u pitanju engleski jezik učešće u niz projekata, edukacija i takmičenja na engleskom jeziku govori o tome da Kandidatkinje odlično vlada engleskim jezikom.

2

VI) KANDIDAT JASMIN OMERDIĆ

Kandidat Jasmin Omerdić se na Konkurs prijavio 20.03.2023. Uz prijavu na Konkurs Kandidat je podnio slijedeću dokumentaciju:

- CV
- Diploma o stečenoj akademskoj tituli i stručnom zvanju Bakalauerat/Bachelor prava, izdata u Sarajevu 07.11.2015. godine i dodatak diplomi (ovjerena kopija)
- Priznanje – Zlatna značka Univerziteta u Sarajevu kao jednom od najboljih studenata Pravnog fakulteta
- Uvjerenje o položenom pravosudnom ispitu
- Uvjerenje o državljanstvu
- Izvod iz matične knjige rođenih
- Uvjerenje o učešću – međunarodno studentsko takmičenje u oblasti privredne arbitraže „Willem C. Vis“

Kandidat je rođen 11.03.1992. u Tuzli. Državljanin je Bosne i Hercegovine.

Pravni fakultet Univerziteta u Sarajevu apsolvirao je 2015. godine sa prosječnom ocjenom 9,51 za što je nagrađen Zlatnom značkom Univerziteta u Sarajevu. Dostavljeni dodatak diplomi je nepotpun i nedostaju ocjene iz predmeta Osnovi prava intelektualnog vlasništva, Građansko procesno pravo I i Međunarodno privatno pravo I (što je mehanička greška koji Kandidat nije primijetio). Prosjek ocjena iz predmeta Katedre (sem navedenih) je 9,5. U četvrtoj godini se Kandidat opredijelio za opcioni predmet na Katedri građanskog prava.

U svom CV Kandidat navodi (ali ne dostavlja dokaze o tome) da je od septembra 2019. do septembra 2022. apsolvirao specijalizaciju iz oblasti međunarodnog bankarskog i finansijskog prava na University College London, koji je okončao sticanjem titule LLM (ocjena summa cum laude). Ovu činjenicu Komisija ne može vrijednovati, odnosno uvjetno će je uključiti kao činjenici prilikom vrednovanja i poređenja kandidata, jer nisu dostavljeni dokazi o tome, iako nema razloga sumnjati u navode Kandidata.

Kandidat je sudsku tumač za engleski jezik (nisu dostavljeni dokazi, Predsjednici Komisije poznato) iz čega Komisija zaključuje da Kandidat odlično vlada engleskim jezikom, O tome svjediči i njegovo učešće u najprestižnijem studentskom takmičenju „Willem C. Vis International Commercial Arbitration Moot“, gdje je bio član tima Pravnog fakulteta. Predsjednici Komisije je poznato da je Kandidat i dalje bio angažiran kao podrška narednim timovima Fakulteta koji su učestvovali u ovom prestižnom takmičenju, da je bio i arbitar na određenim pre-moot takmičenjima, da je učestvovao u ljetnoj školi iz međunarodnog privatnog prava u Hrvatskoj, ali sa velikim čuđenjem konstatira da Kandidat o tome nije dostavio dokaze, pa ove podatke Komisija ne uzima u obzir.

2

Kandidat je sa odličnim uspjehom položio pravosudni ispit 26.06.2019. Od oktobra 2015. do septembra 2019. bio je saradnik u advokatskoj kancelariji Wolf Theiss (ured u Sarajevu), gdje je prema njegovim navodima težište njegovog posla bilo u oblasti bankarske regulative i regulative tržišta kapitala, poreskog i korporativnog prava. Od decembra 2020. do momenta podnošena prijave na konkurs je konsultant u Uredu premijera Federacije BiH, pri čemu je njegova pozicija financirana od strane Svjetske banke. Njegovi zadaci se odnose na razvoj politika u oblasti radnih odnosa i koordinacija kolektivnog pregovaranja.

MIŠLJENJE I PRIJEDLOG KOMISIJE

1. Minimalni zakonom propisani uvjeti

a) Završen I ciklus studija

Svi kandidati/kandidatkinje ispunjavaju uvjet da su završili I ciklus studija. Među prijavljenim kandidatima su oni koji imaju samo okončan prvi ciklus studija ali i kandidati koji su studenti III ciklusa studija, osobe koje su tek započele profesionalnu karijeru ali i one koji su se

profesionalno ostvarile u većoj mjeri. Komisija ipak polazi od toga da su minimalni uvjeti propisani zakonom završen prvi ciklus studija i ostvareni prosjek ocjena i nije *a priori* dala prednost kandidatima sa završenim II ciklusom ili upisanim III ciklusom, već je prije tražila opredjeljenja za naučni rad i to u oblasti međunarodnog privatnog prava za koju se kandidat bira.

b) Prosjek ocjena

U pogledu općeg prosjeka ocjena na I ciklusu Komisija utvrđuje slijedeći redoslijed:

1. Dženana Brčaninović 9,90
2. Sevleta Halilović 9,73
3. Arman Mujičić 9,53
4. Jasmin Omerdić 9,51
5. Nenad Cice 8,96
6. Adnan Muratović 7,84

U pogledu prosjeka ocjena na predmetima Katedre građanskog prava Komisija utvrđuje slijedeći redoslijed:

1. Dženana Brčaninović i Sevleta Halilović 9,87
2. Arman Mujičić 9,58
3. Jasmin Omerdić 9,50 (pri čemu u Dodatku diplome nedostaju tri predmeta)
4. Nenad Cice 9,00
5. Adnan Muratović 7,15

2

Kada je u pitanju prosjek iz predmeta naučna oblasti Međunarodno privatno pravo:

Kandidatkinje Brčaninović, Halilović i kandidat Mujučić imaju prosjek 10,00, Kandidat Cice 9, a kandidat Omerdić je ocijenjen sa 10 na predmetu Međunarodno privatno pravo II (nema podataka za MPP I), te Kandidat Muratović 7,5.

Komisija jednoglasno konstatira da pet od šest prijavljenih kandidata ispunjavaju minimalne uvjete za izbor u zvanje asistenta propisane Zakonom o visokom obrazovanju Kantona Sarajevo (član 112. stav 2 lit. b): završen odgovarajući univerzitetski stepen s najmanje 240 ECTS bodova i najnižom ocjenom 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8.

Kandidat Muratović ima prosjek I ciklusa 7,84. i time ne zadovoljava kriterij u pogledu ocjene. Komisija konstatira da se ovaj Kandidat bio prijavio i na ranijem konkursu za istu naučnu oblast kada je konstatirano da ispunjava uvjete, budući da se prema tada važećim propisima tražio prosjek ocjena za završeni I i II ciklus studija, a ukupni prosjek kandidata je u tom slučaju bio 8,82. Čak i u situaciji kada bi se tumačilo da Kandidat Muratović ispunjava zakonski prag u pogledu ocjene, ostali Kandidati i Kandidatkinje imaju puno bolji prosjek

ocjena, a sem kandidata Cice su i nosioci Zlatnih znački Univerziteta u Sarajevu. Ipak Komisija konstatira da Kandidat Muratović sa vrlo malom razlikom bodova nije zadovoljio zakonski minimum, pri čemu je u svom radu kao student u značajnoj mjeri ispunjavao uvjete koje je Komisija smatrala relevantnim za izbor u zvanje asistenta (ekstrakurikularni angažman, internacionalizacija, naučno-istraživački rad)

U daljem je Komisija procjenjivala ostalih pet kandidata/kandidatkinja.

2. Dodatni uvjeti

Članom 112. stav 3. ZVO je predviđeno da će Statutom i općim aktom, a u skladu sa Smjernicama iz člana 116., visokoškolska ustanova utvrditi posebno vrednovanje za dodatne oblasti prilikom izbora u akademska zvanja, ali Smjernice ni navedeni opći akti Univerziteta nisu doneseni. Ipak član 112. stav 3. ZVO daje određene upute i okvir iz kojih je moguće procijeniti šta zakonodavac smatra relevantnim kod izbora u nastavnička zvanja kao što su nastavničke sposobnosti, doprinos internacionalizaciji, društveni doprinos, pri čemu daje preciznije odrednice za pojedine kriterije. Komisija je cijenila tako propisane kriterije. Naravno, budući da se radi o prvom izboru u zvanje asistenta, od kandidata/kandidatkinja nije moguće zahtijevati ispunjenje navedenih kriterija u potpunosti ali je Komisija nastojala utvrditi da li postoji barem određena tendencija kada su pojedini kriteriji u pitanju.

a) Nastavničke sposobnosti

Nije moguće ocjenjivati ovaj zakonski kriterij ali Komisija konstatira da su kandidatkinje Brčaninović i Halilović bile angažirane kao studenti demonstratori i to na predmetima Katedre, čime su stekle određeno iskustvo, ali bile u stanju i procijeniti da li imaju afiniteta prema radu sa studentima. Ovaj izbor svjedoči i o tome da su predmetni nastavnici prepoznali njihov kvalitet i afinitet ka predmetima Katedre.

Kandidatkinja Halilović je kao junior researcher pri Atlantskoj inicijativi bila i sama edukator na određenim seminarima.

b) Dalje školovanje

Svi kandidati/kandidatkinje, sem Kandidata Omerdića, su podnijeli/e dokaze o tome da su upisali/e i/ili apslovirali/e II odnosno III ciklus studija. Ova činjenica govori u prilog tome da svi oni posjeduju ambiciju i želju za daljim usavršavanjem. Već je navedeno da je Kandidat Omerdić naveo da je stekao titulu LL.M na University College London ali nije podnio dokaze, Komisija to cijeni uvjetno, što će biti niže obrazloženo.

Na prvom mjestu je Komisija u obzir uzela usmjerenje kandidata ka oblasti za koju se biraju. Komisija smatra da se to usmjerenje može utvrditi između ostalog kroz izbor studija drugog ciklusa i izbor teme završnog rada. Ovdje je Komisija kod opredjeljenja za drugi ili treći

ciklus studija cijenila opredjeljenje za oblast međunarodnog privatnog prava ili građanskog prava.

Master studij Kandidata Omerdića (i da je podnio dokaze o tome) nije neposredno vezan za ove oblasti, što je slučaj i sa kandidatima Mujičićem (smjer Krivično pravo) i Cice u određenoj mjeri. Njegov magistarski rad se bavi pitanjima državljanstva, ali se čini barem iz naslova da je u pitanju primarno javno-pravni uklon. U svakom slučaju je na trećem ciklusu studija Kandidat Cice izrazio opredjeljenje za građansko pravo. Kolega Cice je na III ciklusu odbranio dva seminarska rada vezana za građansko procesno pravo a odobrena mu je tema doktorske disertacije iz građanskog procesnog prava, gdje nije vidljiv primarni interes za međunarodno privatno pravo. Kolegica Brčaninović je završila II ciklus na Katedri građanskog prava i napisala završni rad iz Obligacionog prava. U generaciji u kojoj je ona studirala nije bilo moguće direktno opredjeljenje za oblast međunarodnog privatnog prava. Drugi ciklus koji je upisala kolegica Halilović ima najneposredniju vezu sa međunarodnim privatnom pravom tačnije međunarodnom arbitražom (kao i prijavljena tema završnog rada „Patološke arbitražne klauzule“ koji će se nužno morati bazirati na međunarodnom arbitražnom pravu).

U ovom segmentu Komisija daje prednost kandidatkinjama Brčaninović i Halilović.

c) Društveni doprinos

ZVO propisuje da društveni doprinos obuhvata: **priznanja i nagrade dobijene od šire društvene zajednice ili visokoškolske ustanove; učešće u savjetodavnim tijelima institucija od šireg društvenog značaja; učešće u nadležnim tijelima/komisijama/grupama/savjetima koje rade na jačanju; planiranju i unapređenju svih procesa u okviru visokoškolskih ustanova; rad na realizaciji aktivnosti vezanih za unapređenje institucije i razvoj zajednice; učešće u izdavačkom/uređivačkom odboru domaćih časopisa; zbornika radova i monografija; organizacionom i naučnom odboru domaćih konferencija; savjetovanja; okruglih stolova; recenzija naučnih radova; knjiga i monografija; rad na oblikovanju javnih politika; konsultantski rad za zajednicu; volonterski rad za visokoškolsku ustanovu i zajednicu; rad na razvojnim projektima; učešće u inicijativama vezanim za ostvarenje globalnih ciljeva održivog razvoja.**

Boldirano je ono što bi moglo biti primjenjivo na izbor asistenta. Budući da se radi o izboru u prvo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kandidatkinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Sem kandidata Cice, svi ostali kandidati/kandidatkinje su nosioci Zlatne značke Univerziteta, te priznanja Grada ili općina za njihov uspjeh na studiju. Kandidatkinja Brčaninović je dobila Zlatnu značku kao najbolji student Pravnog fakulteta u Sarajevu na prvom i drugom ciklusu, dok su ostali Zlatnu značku dobili jer su spadali u grupu najboljih studenata.

Kolega Cice i kolegica Brčaninović su u srednjoj školi bili proglašeni za Ponos generacije.

Kandidatkinja Halilović i kandidat Mujičić su bili aktivni u ELSA Sarajevo. Posebno je kandidat Mujičić učestvovao u organizaciji nekolicine projekata od značaja za visokoškolsku ustanovu i zajednicu, volonterski, dok je kolegica Halilović uzela u njima aktivnog učešća.

Kolegica Brčaninović je volontirala mjesec dana u Općini Centar.

Kolegica Halilović je bila angažirana na nizu projekta podržanih od strane Atlantske inicijative i/ili drugih međunarodnih organizacija a fokus njenog angažmana je bila borba protiv radikalizma, nasilja, za rodnu ravnopravnost odnosno ravnopravnost u vezi sa spolnom orijentacijom, pravom medija.

Kada je u pitanju društveni doprinos na osnovu ovdje navedenog se prednost daje Kandidatu Mujičiću i Kandidatkinji Halilović

d) Doprinos procesu internacionalizacije

Prema članu 112. stav 3. lit. b) ZVO doprinos procesu internacionalizacije obuhvata međunarodnu mobilnost; učešće u radu tijela koja se bave procesom internacionalizacije na visokoškolskoj ustanovi; učešće u aktivnosti Strategije internacionalizacije visokoškolske ustanove; učešće u kreiranju i realizaciji cikličnog; necikličnih studijskog programa; ljetnjoj/zimskoj školi; mikroakreditivima održanim i na stranom jeziku za strane i domaće studente; prestižnim međunarodnim konferencijama; učešće u uređivačkim odborima međunarodnih časopisa; naučnim i organizacionim odborima međunarodnih konferencija; recenziranju međunarodnih projekata ili međunarodnih naučnih radova ili knjiga/monografija izdanih na stranim jezicima; učešće u radu međunarodnih stručnih/naučnih asocijacija/inicijativa/konzorcija/komisija; učešće u međunarodnim projektnim timovima ili međunarodnim naučnim/profesionalnim mrežama; uređivačkom odboru međunarodnih časopisa; komisijama za izbor na inostranim visokoškolskim ustanovama; mentorstvima na inostranim visokoškolskim institucijama; realizacija gostujućih predavanja na međunarodnim konferencijama; visokoškolskim institucijama; i međunarodnim udruženjima/asocijacijama.

Boldirano je ono što bi moglo biti primjenjivo na izbor asistenta. Budući da se radi o izboru u prvo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kandidatkinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Kolega Omerdić i kolegica Halilović su učestvovali u prestižnim studentskim međunarodnim takmičenjima (preciznije je navedeno kod svakog kandidata/kandidatkinje pojedinačno).

Kolega Mujičić je bio član Upravnog odbora Evropskog udruženja studenata prava Sarajevo (dalje: ELSA Sarajevo). Kao aktivan član ELSA Sarajevo učestvovao je 2021. godine u organizaciji serije webinarara (suorganizator Konrad Adenauer Stiftung), u organizaciji Klinike

iz međunarodnog i evropskog prava ljudskih prava (2020.), u organizaciji webinaru o utjecaju pandemije COVID-19 na različite oblasti prava (2020), Simuliranog parlamenta (2019), Legal English, ekstrakurikularni program (2019)., a 2018. je i sam uspješno apsolvirao Kliniku iz međunarodnog i evropskog prava ljudskih prava (2018) koju su organizirali Pravni fakultet Univerziteta u Sarajevu i Evropsko udruženje studenata prava Sarajevo.

Kolegica Halilović je apsolvirala Media Law School: Freedom of Expression on Social Network: Influential Users and Prohibited Speech, koja nosi 3 ECTS, a organizirali su je OSCE i Univerzitet u Sarajevu – Pravni fakultet. Učestvovala je na projektu „Simulirani parlament“ na temu „Zakon o životnim zajednicama osoba istog spola u BiH“, podržan od ELSA Sarajevo i Konrad Adenauer Stiftung. Kao članica tima Pravnog fakulteta „Iudex“ učestvovala je na 16th Regional Moot Court Competition in Human Rights i apsolviranju desetosedmičnog obrazovnog seminara o Konvenciji o zaštiti ljudskih prava i praksi Evropskog suda za ljudska prava. Osim toga učestvovala je na nizu drugih projekata podržanih od međunarodnih asocijacija (posebno od Atlantske inicijative) i kao edukator i kao polaznik. Poseban fokus njenog angažmana je bio u oblasti medijskog prava, borbe protiv radikalizma i nasilja, rodne ravnopravnosti i ravnopravnosti u odnosu na spolnu orijentaciju (detaljnije navedeno kada su navođene njene reference).

Komisija konstatira da su Kandidat Mujičić i Kandidatkinja Halilović ovdje ostvarili značajne aktivnosti za vrijeme studija, iskazali poseban angažman, zainteresiranost za šire društvene teme i dopunu kurikularnih aktivnosti, i Komisija im ovdje daje prednost u odnosu na ostale kandidate/kandidatkinje.

2

Kandidat Cice i Kandidatkinja Brčaninović nisu naveli podatke o bilo kakvoj dodatnoj aktivnosti za vrijeme ili nakon studija a povezanu sa internacionalizacijom. Kolega Cice je bio upisao doktorski studij na Univerzitetu u Beču ali ga je prekinuo, a kolegica Brčaninović nije imala ovdje nikakvih dodatnih aktivnosti za vrijeme studija niti nakon toga.

Kandidat Omerdić takođe nije naveo odgovarajuće podatke niti ponudio dokaze, iako Komisija ima saznanja o njegovom angažmanu u neposrednoj vezi sa oblasti na koju se bira asistetu. Ipak, u nedostatku dokaza ali i navoda od samog Kandidata, Komisija nije ovo mogla uzeti u obzir.

Komisija je takođe cijnila i jezičke kompetencije, gdje prednost nesumnjivo treba dati Kandidatu Cice koji govori više jezika i uredno je dostavio dokaze o tome. Kandidati Brčaninović, Mujičić, Omerdić i Halilović nisu dostavljali dokaze o poznavanju jezika. Komisija je kod kandidata Mujičić, Omerdić i Halilović stala na stajalište da odlično poznavanje engleskog jezika nije sporno zbog projekata i takmičenja u kojima su učestvovali. Ovo se posebno odnosi na kandidate Omerdić i Halilović.

*

* *

Komisija konstatira da se na Konkurs prijavilo šest Kandidata/Kandidatkinja od kojih jedan ne ispunjava propisane uvjete u pogledu proseka ocjene. Komisija vrlo pozitivno ocjenjuje i Kandidata Muratovića koji nije ispunio kriterij u pogledu prosjeka na I ciklusu studija, zbog čega ga nije mogla uzeti u obzir kod izbora.

Svih ostalih pet kandidata/kandidatkinja su vanserijski kandidati i svaki od njih bi bio dobit za Fakultet, ali je Komisija mogla izabrati samo jednog od njih.

Kada se sagledaju rezultati poređenja prijavljenih kandidata/kandidatkinja po svim kriterijima koje je Komisija u skladu sa ZVO smatrala relevantnim (prosjek ocjena, usmjerenje na II i III ciklusu studija, nastavnički doprinos, društveni doprinos i doprinos procesu internacionalizacije) Komisija je u pogledu prosjeka i usmjerenja dala prednost kandidatkinjama Brčaninović i Halilović, u drugim kategorijama su to bili Kandidatkinja Halilović i Kandidat Mujičić. Razlika u pogledu prosjeka ocjena kolege Mujučića u odnosu na druge dvije kandidatkinje je neznatna, ali je njegov odabir opcionih predmeta tokom studija i smjera na II ciklusu (krivično pravo) ukazivao da su njegovi interesi i težište dosadašnjeg rada van oblasti građanskog i međunarodnog privatnog prava.

Kolegica Brčaninović je imala nešto bolji ukupni prosjek na I ciklusu studija od kolegice Halilović (9,90 v. 9,73) dok su obje imale isti prosjek na predmetima Katedre građanskog prava (9,87), što prema stajalištu Komisije ne može samo po sebi biti odlučujuće. Kolegica Brčaninović tokom studija, sem što je bila demonstrator kao i kolegica Halilović, nije imala nikakvih dodatnih ekstrakurikularnih aktivnosti, dok je kolegica Halilović ovdje ostvarila ubjedljivu prednost u odnosu na sve ostale kandidate/kandidatkinje.

2

Na osnovu navedenog Komisija predlaže Nastavno-naučnom vijeću Pravnog fakulteta Univerziteta u Sarajevu da usvoji ovaj Izvještaj i utvrdi prijedlog za izbor Kandidatkinje **Sevlete Halilović** u naučno-nastavno zvanje asistentice za naučnu oblast Međunarodno privatno pravo.

Komisija:



Prof. dr. Meliha Povlakić



Prof. dr. Davor Babić



Prof. dr. Anita Duraković